



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

De S. Martino.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

PUNCTUM IV.

Totius
Ecclesiæ
Ponti-
fex.
1.
Doctri-
na.
2.
Moribus

Non minus natus est totius Ecclesiæ, quam
Mediolanensis diœcesis bono S. Pontifex.
1. ejus solitudine absolutum est Concilium
Tridentinum. Concilia Provincialia 5. Syno-
dalia 9. habuit Ecclesiæ perutilia. Plura scri-
psit ad Episcoporum maximè instructionem.
Ecclesiasticæ libertatis juriùmque fuit accerri-
mus propugnator, ipso etiam Mediolanensi gu-
bernatore excommunicatione percusso. 2. San-
ctitatis ac reformationis morum primus exem-
plum se Romæ proposuit, quod deinde in to-
tius Europæ Prælatos dimanavit. In familia
sua domestica 12. Episcopos Ecclesiæ formavit,
7. Nuncios, Cardinalem unum, ac Pium V,
quantum Pontificem! Siccinè doctrinam san-
ctam bonòsque mores quantum in te est, pro-
moves?

11. Nov

DESANCTO MARTINO.

PUNCTUM PRIMUM.

Dat pau-
pèri pat-
tè chla-
midis.
1.
2.

Heroicum est S. Martini factum, qui pau-
pèri ac nudo eleemosynam Christi nomi-
ne petenti partem chlamydis dedit. In quo
perpende. 1. Quis fecit? Cathecumenus, do-
ctrina Christiana vix institutus, & in exercitu
maximè corrupto miles. 2. Quid fecit? partem
chlamydis dedit, cùm nihil præter arma & ve-
stimentum haberet. Itaque rem sibi necessa-
riam

riam dedit, inusitato prorsus eleemosynæ genere, cum certo periculo irrisionis ex dimidiata veste. 3. Cui dedit? Christo, quem in pauperis nuditate latentem fidei oculis vidit & amavit, quique sequenti nocte dimidiata illa veste indutus Martino apparuit hanc mittens vocem: *Martinus Cathecumenus hac me veste contexit.* O frustum chlamydis pretiosum, quo Dominus ille, in cuius femore scriptum est, Rex Regum, & Dominus dominantium, gloriatur! Tu verò quid inopibus, quid ipsi Christo dedisti? Dedit, quòd sibi esset necessarium Cathecumenus: nos, quæ superflua sint, imo quæ noxia, denegamus, quantumvis longè plura nobis, quam tum Martino, Christus donarit.

PUNCTUM III.

Magnificè Deus S. Martini liberalitatem remuneratus est. Tanta eum fide instruxit, ut miracula illi haud difficiliora, quam cæteris ordinariæ actiones, essent: tam firma spe, nullum aliud præsidium adversus pericula omnia omnèsq; dæmonum conatus nisi signum Crucis vellet: tanta charitate, ut & mortem, qua Deo jungeretur, optaret; nec recusaret labores vitæ, quibus proximo salutem pareret: tanta pietate, ut nulla unquam re magis, quàm oratione etiam cum negotia maxime tractaret, ejus animus occuparetur; & vel inter graves morbi cruciatus

Mm 5

in-

invictum ab oratione spiritum non relaxaret : tanta patientia, ut licet gladius persecutoris vitam ei non abstulerit, palmam tamen martyrii non amiserit : tanta vitæ sanctitate, ut jam moribundus dæmoni audacter dixerit : *Quid adstas, cruenta bestia ? nihil in me funesti invenies :* tanta denique humilitate, ut indutus concilio jacensque in cinere voluerit reddere Deo animam, quam Angelorum plaudentium chorus in cœlum honorificè deduxit. O beatum finem vitæ sanctè inchoatæ ! ô amplam operis unius donique mercedem ! quantum acquirit, qui Dei causa re aliqua se abdicat !

PUNCTUM III.

Quid imitari debeamus.

Licet nemo fortè Sanctorum chlamydem cum mendico partitus sit : multi tamen S. Martinum imitati sunt, multi pariter jam inde ab initio conversionis suæ animum generosè vicerunt. Suxerunt alii saniam ex horrendo ulcere fluentem, alii leprosos amplexati sunt, aliter alii de seipsis triumpharunt pæne antequam sibi mundoque bellum indixissent. Quid deinde ? Hi semel à seipsis victi nulla re vinci potuere : sic sui victores facti non tam bellaverunt postea aut secum aut cum salutis hostibus, quam perpetuò vicerunt. Sic tu semel si viceris, semper invictus deinceps, semper victor futurus es. *Qui vicerit, faciam illum columnam in templo Dei mei.* Hoc Deo si dederis,

deris, gratiarum suarum thesauros in te omnes *Eccl. 20.*
congeret. *Est qui multa redimat modico pretio, 12.*
Et restituens ea in septuplum.

DESANCTA CATHARINA. 25. Nov.
PUNCTUM PRIMUM.

Perpende primam omnium virtutum & alia- Virgo.
rum fontem, quæ in S. Catharina eluxerunt
fuisse virginitatem: quæ cum in ea eximia fue-
rit, ita cœlestia illa dona attulit, quæ hanc cœ-
lestem virtutem comitari solent. Hæc porro vir-
tus quanta sit in genere, ex eo cognoscere pos-
sumus. 1. Quod homines Angelis similes effici-
at, vel potius superiores. Nam *Angelicam glori- Chryf.*
am acquirere majus est, quam habere: esse Ange- ser. 143.
lum felicitatis est, Virginem esse virtutis. 2. Quod
virgines singulari quodam præ cæteris amore
Christus diligit. Nam *Sequuntur agnum, quo- Apoc.*
cunque ierit. 3. Quod hæc virtus unigenitum 14. 4.
è sinu Patris allexerit. *O quanta est virginita- Ambr.*
tis gratia, que meruit à Christo eligi, ut esset cor-
porale Dei templum, in qua corporaliter habitavit
plenitudo divinitatis!

Quod si tam insigni forma, ætate fragili, so-
licitantibus Imperatoris amoribus, heroïcam
illam virtutem S. Catharina conservare potuit:
nonne corpus virgineum, castamque mentem
servare poterimus? Sed cogita virtutis hujus
nitorem levissima labe violari.

PUN-